

Varios caso urgente sin solucion den fin di siman Dentista na Warda a laga henter Aruba na caya

ORANJESTAD (AAN): Bo por imaginabo cu bo mester a keda henter fin di siman cu dolor di diente, sin ricibi yudanza? Ora bo bay Eerste Hulp, nan ta mandabo pa Dentista na Warda. Pero kico pa haci si acaso e Dentista no a show-up?

Esey ta exactamente loke a socede e fin di siman aki na Aruba. Pa dos dia largo no tabatin ningun Dentista trahando riba e isla. Ohala cu Ministro di Salubridad Publico tuma e cos aki na serio y start un investigacion.

Cada biah, Aruba Dental Association ta emiti un lista di "Doctor na Warda", y esaki ta bay pa Hospital, como tambe pa prensa.

E Dentista na Warda ta duna consulta riba Diasabra, di 5'or pa 6'or di atardi. Diadomingo e tin consulta di 10'or pa 11'or di mianta, y di 5'or pa 6'or di atardi.

Pero na ningun di e tres horarionan aki, e Dentista na Warda den fin di siman no a presenta.

DIARIO mes a tuma nota di e situacion caotico aki. Hendenan cu a presenta di 4:30'or di atardi caba a sinta warda, warda, pero ningun hende di Dentista a show-up na su consultorio na Sun Plaza Mall.

Tabatin Diasabra e caso di un dama kende a bin for di San Nicolas, y el a ser referi na e Dentista door di Eerste Hulp. Pero como cu Dentista no a presenta, e no por a haya yudanza. Otronan tabata yama e telefon di e Dentista na su cas, pero esaki tabata parce di ta saca for di stopcontact.

Ora di yama Centro di Alarma, e oficial ta bisa pa contact Hospital. Ora di yama Hospital, nan ta confirma cu dianan 26 y 27 di Juli, ta e Doctor na Sun Plaza Mall tin warda.



Diadomingo mainta, mesun cos. Algun hende hasta a yega for di 9'or caba na e Consultorio di Dentista sperando pa e habri 10'or. Pero e homber tampoco no a presenta. Entre e pacientnan wardando yudanza urgente, por a nota un mucha muher di 9 aña kende ta kehandu fuerte di dolor di diente, y pesey e ta comiendo nada.

Diadomingo atardi mesun cos, Dentista a briya cu su ausencia. Pacientnan para pafor tabatin ningun palabra bunita den direccion di e profesional di diente. DIARIO a nota cu un di e pacientnan tabata yora constantemente di dolor. El a purba tur clase di medicamento, pero nada ta yuda.

Pacientnan tabata sumamente disgusta cu e situacion aki. Algun ta haci suplica na Ministro drs. Booshi Wever, pa e start un investigacion pa haya

sa con un Dentista por laga henter Aruba na caya durante full un fin di siman. "Loke e dentista a haci ta un "fayo barbaro", y Salubridad Publico mester tuma medida severo," un di e pacientnan a declara na DIARIO.

Riba e foto por mira e mucha muher di 9 aña, ta ranca na e porta di Dentista, pasobra e no por mas cu e dolor.

E situacion aki hasta ta pone Redaccion di DIARIO haya duda, esta si acaso ta vale la pena pa sigui publica e lista di weekend di "Dentista na Warda" of no. Pasobra tanto bal bo publike, y tog e Dentista ta ni pone nota of avisa hende cu e no tey. Ta bon mes cu e Dentista no tabatey pa e scucha e "palabranan" cu tabata skeiro den gang di Sun Plaza Mall.

Esnan cu di Diabierna anochi no por a drumi cu dolor di diente, lo mester warda te awe Dialuna pa nan acudi na nan Dentista pa haya asistencia.

Tin nada peor, cu pasa henter bo weekend cu dolor di diente, y peor... perde bo tempo sintando 3 ora wardando Dentista dilanti su oficina "Closed".



WEITA MI COLOR!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 865455



**Dolphin Candle
Oil Burner**

Afl. 12,95